

Papa na ručku ugostio 1.500 beskućnika



Papa Franjo ugostio je danas na ručku 1.500 beskućnika i ljudi u nevolji.

Rimokatolička crkva danas obilježava dan siromašnih, a goste su u Vatikan doveli volonteri iz humanitarnih grupa koji svakodnevno pomažu ljudima u nevolji.

Na meniju na ručku u velikoj dvorani u Vatikanu bile su lasanje, piletina u sosu od gljiva, krompir, kolač, voće i kafa.



Cijele prošle sedmice na Trgu Svetog Petra bila je postavljena mobilna klinika gdje su ljekari volonteri specijalisti besplatno pregledali siromašne.

U neposrednoj blizini pregledi ljekara opšte prakse dostupni su cijele godine, što je još jedna od inicijativa pape Franje.

Na današnjoj misi papa je rekao da oni koji su dobrostojeći treba da pomognu siromašnima što je više moguće, a ne da ih ovi nerviraju. (vijesti.ba)

Date: 17-11-2019